

Na osnovu člana 142. Statuta Grada Bihaća („Službeni glasnik Grada Bihaća“, broj: 13/15 i 13/18) i člana 24. Odluke o načinu držanja i zaštiti pasa i mačaka kao kućnih ljubimaca, i napuštenih i izgubljenih pasa ("Službeni glasnik grada Bihać", broj: 02/22) gradonačelnik Grada Bihaća, donosi:

U P U T S T V O

o vođenju Registra skloništa za životinje u vlasništvu pravnih lica
na području grada Bihaća

Član 1.

(Predmet)

(1) Uputstvom o vođenju Registra skloništa za životinje u vlasništvu pravnih lica na području grada Bihaća (u daljem tekstu: Uputstvo) utvrđuju se sadržaj, oblik i način vođenja Registra skloništa za životinje u vlasništvu pravnih lica na području grada Bihaća (u daljem tekstu: Registar),

(2) Registar iz stava (1) ovog člana predstavlja spisak svih pravnih lica koja u vlasništvu imaju skloništa za životinje sa registracionim podacima o pravnom licu, te podacima o samom skloništu.

Član 2.

(Oblik i sadržaj)

(1) Registar iz člana 1. ovog Uputstva je javan i objavljuje se na web stranici Grada Bihaća.

(2) Registar sadrži podatke o:

- a) nazivu i sjedište pravnog lica,
- b) odgovornoj osobi (ime i prezime, adresa prebivališta i kontakt telefon),
- c) adresa skloništa za životinje,
- d) radno vrijeme skloništa za životinje,
- e) opis i površina u m² skloništa za životinje (prostorije i okoliš),
- f) boksevi za životinje i opis materijala (broj),
- g) broj osoba/radnika zaduženih za brigu o životinjama, njihova naobrazba i poslovi koje obavljaju,
- h) način osiguranja veterinarsko-zdravstvene zaštite životinja (broj ugovora sa veterinarskom organizacijom),
- i) udaljenost od naseljenog mjesta (m),
- j) posjeduje ogradu oko skloništa za životinje i visina iste (da/ne),
- k) posjeduje vozilo ili prikolicu za prijevoz životinja (da/ne i opis),
- l) komunalna infrastruktura skloništa za životinje (voda, kanalizacija, struja, smeće i pristupni put).

(3) Obrazac Registra iz stava (1) ovog člana dat je u prilogu Uputstva i čini njegov sastavni dio.

Član 3.

(Obaveza pravnih lica)

Sva pravna lica koja u vlasništvu imaju skloništa za životinje na području grada Bihaća obavezna su da u roku od 30 dana, od dana registracije kod nadležnog organa, Službi za strateško planiranje, upravljanje projektima, komunalne djelatnosti, vode i zaštitu okoliša dostave kopiju dokaza o registraciji i sve podatke iz člana 2. stav (1) ovog Uputstva.

Član 4.

(Način vođenja Registra)

(1) Unos podataka u Registar obavlja se elektronskim putem, a nakon završetka unosa podataka Registar se mora odštampati, potpisati i ovjeriti od strane ovlaštene osobe.

(2) Podaci upisani u Registar ne smiju se brisati, niti precrtavati.

Član 5.

(Obaveza uspostave Registra)

Služba za strateško planiranje, upravljanje projektima, komunalne djelatnosti, vode i zaštitu okoliša obavezna je da Registar iz člana 1. ovog Uputstva uspostavi u roku od 15 dana od dana stupanja na snagu istog.

Član 6.

(Završna odredba)

Ovo Uputstvo stupa na snagu danom donošenja i objavit će se u „Službenom glasniku Grada Bihaća“.

Broj: 04/13-04-1723
Bihać, 20.04.2022. godine



Gradonačelnik
Šuhret Fazlić

